



## SAKSPAPIR

| Saksnr  | Utval         | Type | Dato       |
|---------|---------------|------|------------|
| 67/2022 | Kommunestyret | PS   | 14.06.2022 |

| Sakshandsamar          | Arkiv | ArkivsakID |
|------------------------|-------|------------|
| Randi Solveig Pedersen |       | 22/743     |

### TARIFF 2022 - MEKLAREN SITT FORSLAG TIL LØYSING SENDAST TIL MEDLEMMENE TIL URAVSTEMMING

#### Vedlegg:

Tariffrevisjonen pr. 1. mai 2022 - Meklerens forslag på uravstemning blant KS' medlemmer

#### Kommunedirektøren sitt framlegg til vedtak:

Vaksdal kommune stemmer ja til det anbefalte forslaget frå riksmeklaren ved tariffrevisjon 01.05.2022

#### Kommunestyret - Sak 67/2022

#### KOM - Behandling:

Kommunedirektøren sitt framlegg til vedtak vart vedteke med 17 stemmer, mot 4 stemmer (Ole Anders Brekklus, Ap, Ståle Hesjedal, AP, Arne Normann, Krf og Renathe Vik, Sp).

#### KOM - Tilråding/Vedtak:

Vaksdal kommune stemmer ja til det anbefalte forslaget frå riksmeklaren ved tariffrevisjon 01.05.2022

#### Saksopplysningar:

For året 2022 er det hovudoppgjer i tariffperioden. Partane skal forhandle om lønstillegg for tilsette i Hovudtariffavtalens kapittel 4, samt andre endringar i Hovudtariffavtalen. Forhandlingane skjer mellom sentrale forhandlingspartar med KS på arbeidsgjevarsida og LO kommune, YS kommune, Akademikerne og Unio frå arbeidstakarorganisasjonane. Alle forhandlingssamanslutningane har anbefalt meklaren sitt forslag til løysing 13 timar på overtid. Meklaren sitt forslag til løysing sendast medlemmene for uravstemming. Uravstemming skjer administrativt etter politisk vedtak.

### **Bakgrunn for saka**

Forhandlingssamanslutningane sentralt forhandlar om tariffavtale anna kvart år. Tariffavtalen varer for to år om gangen.

Året 2022 er det hovudoppgjer i kommunesektoren. Det blei brot i forhandlingane mellom KS og alle forhandlingssamanslutningane. Oppgjeret gjekk derfor til mekling. Meklingsfrist var midnatt 24 mai. KS og dei fire forhandlingssamanslutningane godtok forslaget frå Riskmeklaren, men Utdanningsforbundet stemte blankt, og Skolenes landsforbund og Norsk Lektorlag stemte nei.

### **Vurdering og konsekvensar**

Kommunen skal ha lokal beredskapsplan ved eventuell streik mellom partane. Vaksdal har utarbeidd ein overordna beredskapsplan ved streik. Kvar eining skal utarbeide lokal beredskapsplan for korleis dei skal klare å halde drifta i gang ved ein eventuelle streik. Kommunedirektøren si utvida leiargruppe og ordførar er beredskapsgruppe som handterer og koordinerer ein eventuell streik i organisasjon.

Sjølv om enkelte arbeidstakarorganisasjonar ikkje anbefaler forslaget og ønskjer å streike etter 14 dagar, så er partane pr. no ikkje i konflikt. Lærarorganisasjonane kan tidlegast ta ut sine medlemmer i streik 14 dagar etter 24.05.2022. Det er førebels Bergen kommune, og Trondheim kommune som har motteke melding om plassfråtreiding (medlemmer som blir tatt ut i streik). Vaksdal kommune har ikkje motteke melding om plassfråtreiding pr. dags dato. Eventuelle nye plassfråtreiding eller opptopping av streik må varslast 4 dagar før streik kan setjast i verk.

### **Samandrag/konklusjon**

Ei totalvurdering av Riskmeklaren sitt forslag til løysing gjer at kommunedirektøren anbefaler kommunen å stemme ja til tariffrevisjonen pr. 01.05.2022.

Grunnlagsdokument for uravstemningen i KS, A-rundskriv nr. 3/2022, er sendt ut til medlemmene som grunnlag for uravstemning. Rundskrivet kan lastes ned [her](#).